

TEZAUUR LITURGIC

29 APRILIE

**ACATISTUL
SF. IERARH
VASILE
DE LA OSTROG,
MITROPOLITUL
HERȚEGOVINEI**



MOSCOVA, 2000



Акафист

святителю Василию,

митрополиту Острожскому,

чудотворцу

Кондак 1

Богоносный архиерею Церкви Сербския, святой чудотворче отче Василие, от грешных и недостойных душ наших похвальную песнь тебе приносяще, и каюсь во гресех наших, молим тя: пребуди и дале, яко бых прежде, хранителю милосердый земли нашея, и спаси нас от всякия беды и напасти да величаем тя во веки: Радуйся, святой Василие, похвало рода нашего!

Икос 1

Ангел во плоти между людьми явися, Василие чудотворче. Чудесною силою Духа Святаго связал еси вся искушения. Сего ради поем ти таковая: Радуйся, отче отцов преподобных, многия вере правыя научивый! Радуйся, неустанный служителю Евангелия, поучением и

дела своя от зла нас спасавай! Радуйся, Православия хранителю и учителю! Радуйся, в скорбех века сего утешителю! Радуйся, всякой болезни целителю! Радуйся, пастырю овцы заблудшия и усердный их к Богу возвратителю! Радуйся, душ алчущих питателю! Радуйся, умов помраченных просветителю! Радуйся, святой Василие, похвало рода нашего!

Кондак 2

Видех Господь великое благочестие твое от юности твоея и любовь чисту к Церкви. Сего ради украси тя лепотою духовною и дар чудотворения ти дарова, да можеш исцеляти и спасати души человеческия от всякия недуги душевныя же и телесныя. Яко свечу негасимую посвяти ты Христос на служение архиерейское в дни тяжкие рода Сербскаго, да сохраниши и ныне всякаго страждущаго и кающагося и с тобою вопиющаго Богу: Аллилуиа!

Икос 2

Разум человеческий познаша, отче богомудре, яко во тьму сомнений и неведения погружен, одарен же пребогато Духом Святым, всякаго подвигом своим вере Православной научиши.

Сего ради восхваляем тя, отче преблаженне: Радуйся, богомудре, яко неразумныя умудрил еси! Радуйся, наставниче, яко сущих во тьме неверия просветил еси! Радуйся, трубе богогласная, радость велию являюще! Радуйся, ликование исцеленным дарующе! Радуйся, на Небе и на земли прославленный! Радуйся, святой Василие, похвало рода нашего!

Кондак 3

Сила Вышняго прослави тя в келлии обители Острожской яко маслину многоплодную, иже точися милостию чудотворения народу Сербскому и всем взывающим к тебе, молящимся и славящим имя Господне: Аллилуиа!

Икос 3

Силу святую исповедника Христова имаши, терпением и любовью вся демонския мучения и злобу победиши. Сего ради венцем от слезы и молитвы наша величаем тя, отче милосердый! Радуйся, угодниче Божий, славою Небесною увенчанный! Радуйся, служителю верный Пресвятыя Троицы, за верность свою награду Небесную приявший! Радуйся, Церкви многострадаальный обновителю, и в себе самом

храм Творцу соорудиша! Радуйся, пустынножителю прекрасный, яко подвигами твоими пустыня Острожская яко лилия неувядаема и благоуханна процветоша! Радуйся, силы нечистыя победителю, смиренномудрием насилие Агарянское посрамиша! Радуйся, имя царское в своем имени носяше, и милость и славу у Царя Небеснаго в труде и бдении стяжаша! Радуйся, слезами страдания своего слепоту нашу греховную омываеши! Радуйся, тайн Небесных боговидче, помощь и утешение нам подавающе! Радуйся, святой Василие, похвало рода нашего!

Кондак 4

Бурю посягательств безбожных усмирил еси, егда хотяше врази Божии Захумле от веры Православныя отвести, и научиши народ свой да не боится смерти, но греха, да постом и добродетельми поживе и молитвою с тобою да возвеличит Пресвятую Троицу, Триипостаснаго Бога единого: Аллилуиа!

Икос 4

Услышаша вся дальняя о благочестии твоём от младости твоея, яко духовник сый земли

святого Саввы. Сего ради слуги демонския страшным оружием злобы своея тя гнаша. Ты же ся от брани мечем Божественнаго слова и Христу Богу до самыя кончины своея непорочно послужил, сего ради вопием ти: Радуйся, за благочестие свое муки от врагов Христовых прияша! Радуйся, в искушениях веру велику сохраниша! Радуйся, народ сей от рабства Агарянского крестом защитиша! Радуйся, землю нашу духом своим освятиша! Радуйся, великий беззащитный защитителю! Радуйся, всякия слезы нелицемерныя утешителю! Радуйся, всякия раны душевныя и телесныя целителю! Радуйся, пастырю добрый, Захумля, Черногоры, Приморья и всех краев Сербских просветителю! Радуйся, святой Василие, похвало рода нашего!

Кондак 5

Яко звезда пресветлая, от Бога свыше дарованная, в вышине духовной засияша и просветиша вся, сидяща во тьме греха и сени смертныя. Сего ради славят тя вси, иже Творцу поюще: Аллилуиа!

Икос 5

Видех вся неправды и насилия, иже племя твое родное от врагов Христовых приях, пострадал еси с народом своим яко изгнанный правды ради. Сего ради пришел в келлию Острожску и молитве и бдению всего ся предаде. Ради добра всех скорби великия претерпел еси и Бога чудесьми прослави, сего ради вопием ти: Радуйся, до самыя смерти твоея свято Богу послуживый! Радуйся, у Бога в светлости вечной заблиставый! Радуйся, новаго престола митрополии Захумской зиждителю! Радуйся, великий и непостижимый благодетелю! Радуйся, вся молящися тебе спасаваый! Радуйся, и забывшия тя помогаваый! Радуйся, высоты Серафимов достигший! Радуйся, святой Василие, похвало рода нашего!

Кондак 6

Славный проповедниче, отче святой, возжелал еси для мира мир и мир для души своея, и дабы братския вражды избегнути, чрез страдания великия Горы Афонстей достигоша. В край же свой возвратихомся, мудраго совета патриарха Сербскаго Паисия книголюбца послуша, и яко архипастырь нестрашимо

взыдоша, да народ свой спасеши от напасти Агарянской и да тако Христу Спасу нашему послужиши: Аллилуиа!

Икос 6

Просия в Остроге святость жития твоего, сего ради люди, чудеса многа познаша и болести и пороки свободишеся, Бога прослави и тебе благодарную песнь вопиюще: Радуйся, владыко, в бедах сильный, нас, немощных, Небесной силой спасаеши! Радуйся, в камени хладном теплоту Божественную обретоша! Радуйся, многия пред честными мощами твоими примиривый! Радуйся, труд апостольский показавый! Радуйся, славы Ангельския удостоенный! Радуйся, силою, Богом дарованною, яко древле Илия чудеса творящий! Радуйся, теплою милостию своею и по упокоении своем нас не оставляющий! Радуйся, святой Василие, похвало рода нашего!

Кондак 7

Егда пришед время оставить братию и из сего мира бrenнаго отойти в Царство Небесное, учил еси пастыри и монаси: да хранят веру святую в народе твоём. Душу же твою чисту

Херувимы ко Христу носяше и дивно вопияше Богу: Аллилуиа!

Икос 7

Новаго святаго дарова нам Господь и по преставлении твоём тело твоё прослави, силою душ спасения и всякия немощи исцеления украсив. Сего ради вся вселенная днесь вопиет ти: Радуйся, многоценных даров ковчеже! Радуйся, источниче, слезми покаяния и прощения грешныя омываяй! Радуйся, в себе жертвенник любви Евангельской воздвигоша! Радуйся, злобу молитвой угасивый! Радуйся, на камени веры православныя лозу благочестия утвердивый! Радуйся, бессмертие на Небе унаследавый! Радуйся, милостию Божией тление победивый! Радуйся, мощи своя в ризницу исцелений претворивый! Радуйся, другом духов безтелесных на Небеси учинивыйся! Радуйся, святой Василие, похвало рода нашего!

Кондак 8

Люди великой тайне дивящися, яко тленное в нетленное претваришися и источником исцеления сташа. Разум наш то неразуме и верою единою познати могуще, яко сила Божия

во святом теле присно живе. Сего ради припадаем к твоим мощам святым, воспевая Богу: Аллилуиа!

Икос 8

Освящен и одарен свыше еси, Василие чудотворче, заступничеством твоим всим милостивно помогаеши, и молитв с верою взывающих к тебе не забываеши. Темже празднество твое святое празднующе, вопием ти: Радуйся, Православия столпе непоколебимый! Радуйся, доброте всяческия люди своя научивый! Радуйся, смирения и незлобия торжество! Радуйся, подвижничества украшение! Радуйся, от путей погибели спасителю! Радуйся, неусыпный за верных молитвенниче! Радуйся, за вся люди теплый заступниче! Радуйся, радости великия дарителю! Радуйся, святой Василие, похвало рода нашего!

Кондак 9

Вси чины Ангельстии возрадовалися подвигам твоим и на Небо отшествою. С силами безтелесными в неизреченной славе пребываеши, и с нами телом освященным. В кратком житии земном заботился еси о всякой

душе и бедах ея, и по преставлении своем чрез благодатныя мощи твоя милость на нас, грешных, изливаеши. Сего ради Бога благодаряще за сие восклицаем: Аллилуиа!

Икос 9

Чудесами твоими яко светом негасимым просветися земля наша и вси, иже притекают к честным мощам твоим, об исцелении души и тела молят тя. Сего ради вопием ти: Радуйся, великий чудотворче, люди грешныя спасающий! Радуйся, лекарю, раны вси исцеляющий! Радуйся, расслабленным силу возвращаяй! Радуйся, хромым хождение даруяй! Радуйся, немых вещание возвращенное! Радуйся, глухих слышание отворенное! Радуйся, яко бесноватый излечивый! Радуйся, яко скудоумныя умудривый! Радуйся, болящих исцеление! Радуйся, страждущих радование! Радуйся, верным в вере утверждение! Радуйся, малодушных великодушие! Радуйся, всех нас хвала и радование! Радуйся, святой Василие, похвало рода нашего!

Кондак 10

Всем людем возжела спастися Господь и сего ради тя показа прославлена и чудеса творяща, да Его учение им благовестише и покаянием к Богу приведоше, славящи Его: Аллилуиа.

Икос 10

Стено и защито сый всем, к тебе прибегающим, о преблаженне. Верую вознесся еси и любовью, иже языки Ангельстии превосходиши. Тобою хвалится и радуется Церковь Сербская и с нею вся вселенная: Радуйся, предание апостолов сохранивый! Радуйся, пророческое дарование приумноживый! Радуйся, яко мученик, за веру пострада! Радуйся, яко Иов Многострадальный, беды перетерпе! Радуйся, ревностью о Боге, яко пламенем невестественным пылаяй и святым отцам в богомудрии уподобивыйся! Радуйся, дело богоноснаго владыки Саввы продолжиши, землю Сербскую просвещающе! Радуйся, зеркало славы Небесныя! Радуйся, чистым сердцем Бога узривый! Радуйся, наитеплый Солнца Правды луче! Радуйся, яко молния сети демонския попалиша! Радуйся, яко огонь мысли нечистыя сжигоша! Радуйся, зорю, мрак скорби

веля прогнавша! Радуйся, святой Василие, похвало рода нашего!

Кондак 11

Песнь не могуща прославить великия чудеса твоя, имиже ты всякому новому поколению человеческому о Боге проповедуяши! Пред тобою слово умолкни и суета земная пропаде. В деяниях твоих рай отверзешися, в Соборе святых поюще Богу: Аллилуиа.

Икос 11

Свеча света негасимая был еси на земли и ныне телом прославлен, к Свету Истинному нас приводиши. Во сне явил еси монаху радость велию, иже обрадова нас Господь! Братия обители Острожския приидоша и целоваша мощи твоя, взывающе: Радуйся, святой отче Василие, яко живот бессмертный унаследова и засвидетельствова нам сие мощей твоих честных нетлением! Радуйся, славой твоей нас спасающий! Радуйся, веру правую нам показующий! Радуйся, душ праведных веселие! Радуйся, в бедах сущих к животу возвращение! Радуйся, к высоте блаженства Богом вознесенный! Радуйся, щитом воздержания вся

ложныя чары мира сего посрами! Радуйся, отче богоносне, Христа Бога в сердце непорочно носивый! Радуйся, святой Василие, похвало рода нашего!

Кондак 12

Богом дарованную благодать на земли в благодеянных людям приумножил еси. Сего ради к тебе в бедах и скорбех с теплою молитвою в сердце люди земли твоя притекают и стран сущих далече. И вси ожидают даров от Бога в чудесах твоих, вопиюще: Аллилуиа!

Икос 12

Воспеваем славное упокоение твое – храма Бога Вышняго и селения Духа Божия чудотворящаго и со умилением покаянно вопием ти, величающе: Радуйся, отче богомудре и милосерде! Радуйся, сосуде воды животворящия! Радуйся, Церкви Сербския диадемо многоценная! Радуйся, смирения и кротости дивный светильниче! Радуйся, смертен быша, для жизни вечныя душу сохранивый! Радуйся, душу чисту и святу Создателю всяческих предавый! Радуйся, от Господа славы вящя

удостоенный! Радуйся, святой Василие, похвало
рода нашего!

Кондак 13

Угодниче Божий, Василие чудотворче,
приими милостивно сие моление наше яко
молитву покаянну и измоли нам прощение и
спасение у всемилостиваго Спаса Христа Бога
нашего: Аллилуиа! Аллилуиа! Аллилуиа!

(Этот кондак читается трижды, затем икос 1
и кондак 1)

Молитва

Святой Василие, великий угодниче Божий,
всим помогающий, помоги и мене грешному.
Великий защитниче веры Православныя,
защити и нас, твою веру святую исповедующих,
и с надеждой к тебе приступающих. Великий
архиерею Божий, умоли Бога Вседержителя о
всех людех твоих, а после всех и о мне –
последнем и недостойном. Твердошский витязю
духовный и подвижниче Острожский, спасай
нас от всех бед видимых и невидимых. Возжег
ты землю Сербскую, яко вечную свечу пред
Престолом Бога Живаго, сего ради и нам
грешным ныне пути наша освети и тьму скорби

прогони. Молитвами и слезами пещеру Острожскую согреша, согрей ныне Духом Божиим и сердца наша, да спасемся и прославим Бога Всевышняго и тебя, святителю Божий. Со всех краев света притекают к кивоту твоему больные и немощные, и ты им помог еси: демонов отогнаша, путы диавольския растерзаша, здоровье душевное и телесное людям дароваша. Тако и ныне крещеным и некрещеным помози; иже во веки всим помогаеши, помози и мене грешному! Примиритель был еси братьям враждующим, и ныне вся враждующия и с братьями разделенныя примири, скорбящия возвесели, самовольныя укроти, болящия исцели. Святый Василие, чудотворче и отче наш духовный, услыши чад твоих во Христе Иисусе, Господе нашем. Аминь.



**ПОЛНЬІЙ
АКАФИСТНИК
КАНОНИЧЕСКІЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

I

**НОВОЕ
* НЕБО**